



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

36. de impedime[n]tis concomitatibus matrimonium.

urn:nbn:de:hbz:466:1-38840

citatis nuptias ex personis illicitè coniunctis, honesto placito subsequente, manifestum est: dicitur esse intelligendum de concubinis, quas concedit posse transire ad honestum placitum nuptiarum, si castitatem & fidem seruare velint.

DE IMPEDIMENTO
conditionis.

DISTINCT. Trigesimæ sextæ
CAP. Primum.

*Error conditionis potest dirimere ma-
trimonium contractum.*

29. q. 2
si femi-
na,

ibid. c.
si quis
liber.

Dicitur: Si quis ingenuus homo ancillâ alterius, vxorè acceperit, & æstimat qd ingenua sit, si ipsa fœmina fuerat post eâ in seruitutem deiecta, si eam à seruitute redimere potest, redimat: si non potest, si voluerit, aliam accipiat, &c. Si enim conditionis dolum patitur, non cogitur adhærere ei cuius fraude deceptio facta est. Si autem vir scierit conditionem mulieris, vel econuerso, non valet eam dimittere.

CAP. Secundum. *Inter seruos coniugium contractum, ratum habetur.*

ITa de hoc statutum est: dictum est nobis, quòd quidam legitima seruorum matrimonia, potestatiua quadam præsumptione dirimunt, non attendentes illud, Quod Deus coniunxit, homo non separet. Vnde

*Haftenus
de impedi-
mentis præ-
cedentibus
matrimo-
niū cōtrahē-
dū & con-
tractū sub-
sequenti-
bus, nūc de
cōcomita-
tibus.*

285. b

nobis visum est, vt coniugia seruorum non *mat. 19*
 dirimantur, etiam si diuersos dominos ha-
 beant: sed in vno coniugio permanentes, do-
 minis seruiant suis. Et hoc in illis obseruan-
 dum est, vbi legalis coniunctio fuit, & per vo-
 luntatem dominorum. An autem seruus &
 ancilla præter voluntatem dominorum suo-
 rum possint coniugium cōtrahere, doctorū
 diuersa est sententia.

C A P. Tertium. *Seruitus sequens,
 matrimonium non dirimit.*

Vnde illud: Perlatum est ad sanctam sy- *ibid. c.*
 nodum, quòd quidam ingenuus inge- *perlatū*
 nuam acceperit vxorem, & post filio-
 rum procreationem, occasione diuortij, cu-
 iusdam seruum se fecerit, vtrum & mulierem
 necessariò tenere debeat: & si renuerit, an il-
 la etiam seruituti subiici debeat, quæsitum
 est. Iudicatum vxorē minimè debere dimit-
 ti: non tamē ob Christi legem mulierem in
 seruitutem redigi, dum ille non ex consensu
 coniugis se seruum fecerit, quem liberum ip-
 sa maritum acceperat.

C A P. 4. *Aetas illegitima impedit
 matrimonium contrahendum,
 & dirimit contractum.*

Hoc etiam sciēdum est, quòd pueri an-
 te 14. annos, & puellæ ante 12. sec. le-
 ges matrimonium iure cōtrahere ne-

30. q. 7
parag.
sponsalia
queunt. Quod si ante prædicta tempora copulam inierint, separari possunt, quanuis voluntate & assensu parentum iuncti fuerint. Item: Sponsalia ante septennium contrahi non possunt, solo enim consensu contrahuntur, qui interuire non potest, nisi ab alterutra parte intelligatur quod inter eos agitur.

DE IMPEDIMENTIS QUIBUS personę fiunt illegitimę ad contrahendum. & primò de impedimento ordinis.

DISTINCT. Trigesimę septimę
CAP. Primum.

Aliqui sunt ordines qui impediunt matrimonium contrahendum, alij autem non.

d. 32. c.
seri-
atim.
ca. pla-
cuit.

Leo papa: Clericos, lectores, ostiarios, exorcistas, acolytos, si extra votum & habitum inueniuntur, & continentiam profiteri nolunt, vxorem ducere, virginem Ecclesia Romana permittit, non viduam vel repudiatam: quia deinceps nec ad subdiaconatum prouehi poterunt, nec laicus vxorem fortitus, nisi virginem, vel bigamus ad clericatum. Item ex Cartaginensi conc. Placuit episcopos, presbyteros, diaconos, subdiaconos, etiam ab vxoribus abstinere. Quod si non fecerint, etiam ab ecclesiastico remoueantur

207. b.

275. a.